

OPĆINSKI SUD U GORAŽDU
Broj: 045-0-Su-10-000 002

IZVJEŠTAJ

o radu Općinskog suda u Goraždu za 2009. godinu

Goražde, januar 2010. godine

- UVODNE NAPOMENE -

U 2009. godini Općinski sud u Goraždu rješavao je predmete u okviru svoje stvarne nadležnosti propisane odredbama člana 27. Zakona o sudovima u Federaciji Bosne i Hercegovine (« Službene novine Federacije Bosne i Hercegovine » broj 38/05.), te Zakona o izmjenama i dopunama Zakona o sudovima u Federaciji Bosne i Hercegovine («Službene novine Federacije BiH» broj:22/06).

Članom 22. Zakona o sudovima u Federaciji Bosne i Hercegovine je propisano da Općinski sud u Bosansko-podrinjskom kantonu Goražde je Općinski sud u Goraždu za područja Općina: Goražde , Pale-Prača i Foča-Ustikolina.

Članom 94. stav 1. i 3. Pravilnika o unutrašnjem sudskom poslovanju („Službeni glasnik BiH“ broj 57/08), propisano je da sud podnosi godišnji izvještaj o svom radu za proteklu godinu Visokom sudskom i tužilačkom vijeću Bosne i Hercegovine, nadležnom ministarstvu pravde i neposredno višem sudu do 31. januara naredne godine.

- I -

PRILIV I RJEŠAVANJE PREDMETA , OSVRT NA STANJE AŽURNOSTI RADA SUDA U 2009. GODINI ,

Broj prenesenih nerješenih predmeta iz 2008. godine, broj zaprimljenih, riješenih i nezavršenih predmeta u 2009. godini je slijedeći :

Prenešeni predmeti iz 2008. godine	PRILIV u 2009. godini	UKUPNO U RADU u 2009. godini
3.796	6.993	10.789

Rješeno predmeta u 2009. godini	Nerješeno predmeta na dan 31.12.2009. godine
7.652 – 71 %	3.137 – 29 %

Iz tabele se vidi da je u 2009. godini ukupno u radu po svim referatima bilo 10.789 predmeta, od čega je riješeno 7.652 predmeta ili u procentima 71 %, a da je ostalo nerješenih 3.137 predmeta ili u procentima 31%.

Kvantitet riješenih predmeta je i u ovoj godini izuzetno uspješan, a ostvarena kolektivna norma suda je 116,4 %.

Predmeti su procesuirani i rješavani dinamikom predviđenom važećim procesnim zakonima, a odluke donošene u zakonskim rokovima.

Pregled kvaliteta rada suda u 2009. godini prikazan je u sljedećoj tabeli:

Odluke po redovnom pravnom lijeku	Ukupno	%
Potvrđene odluke	179	81
Preinačene odluke	28	13
Ukinute odluke	13	6
U K U P N O	220	100

- II -

KRIVIČNO –PRAVNA OBLAST

Stanje predmeta iz krivične oblasti je sljedeće :

Red. br.	Vrsta predmeta	Prenešeno iz 2008.	Primljeno u 2009.	Ukupno u radu u 2009.	Rješeno u 2009.	Nerješeno u 2009.
1.	Krivični (K)	29	88	117	99	18
2.	Maloljetnički (Km)	1	8	9	5	4
3.	Sudija za predhodno saslušanje (Kps)	17	26	43	27	16
4.	Sudija za predhodni postupak (Kpp)	0	12	12	12	0
5.	Izvršenje kaznenih sankcija (Iks)	2	22	24	23	1
6.	Odluke krivičnog vijeća (Kv)	2	22	24	24	0
7.	Odluke po zahtjevu za pomilovanje (Kp)	0	0	0	0	0
	UKUPNO :	51	178	229 100%	190 83 %	39 17 %

U krivično –pravnoj oblasti iz 2008. godine prenesen je 51 predmet , zaprimljeno u 2009. godini 178 predmeta, tako da je u radu ukupno bilo 229 predmeta, od čega je završeno 190 predmeta ili u procentu 83 %, a ostalo je nezavršenih 39 predmeta ili u procentima 17 %.

Struktura primljenih predmeta u krivičnom («Kps», «K») kao osnovnom referatu u ovoj oblasti je slijedeća :

R.BR.	NAZIV KRIVIČNOG DJELA DJELA	Kps	K	UKUPNO
1.	Učestvovanje u tuči	1	1	2
2.	Teška krađa	7	8	15
3.	Neovlašteno optčko snimanje	1	1	2
4.	Krađa	2	7	9
5.	Lihvarstvo	1	0	1
6.	Bijeg osobe kojoj je oduzeta sloboda	1	4	5
7.	Napad na službenu osobu u vršenju poslova sigurnosti	1	0	1
8.	Lake tjelesne povrede	5	15	20
9.	Nasilničko ponašanje	2	2	4
10.	Ugrožavanje sigurnosti	1	3	4
11.	Teška tjelesna ozljeda	1	7	8
12.	Obmana pri dobijanju kredita ili drugih pogodnosti	1	0	1
13.	Posebni slučajevi krivotvorenja isprave	1	1	2
14.	Teška krivična djela protiv sigurnosti javnog prometa	1	5	6
15.	Oštećenje tuđe stvari	3	2	5
16.	Prijevvara	1	1	2
17.	Šumska krađa	3	8	11
18.	Oštećenje tuđe stvari	3	2	5
19.	Nedopušteno držanje oružja ili eksplozivnih tvari	2	3	5
20.	Ugrožavanje sigurnosti javnog prometa	0	1	1
21.	Izvanbračna zajednica sa mlađim maloljetnikom	1	1	2
22.	Neovlaštena proizvodnja i stavljanje u promet opojnih droga	2	0	2

23.	Posjedovanje i omogućavanje uživanja opojnih droga	3	10	13
24.	Omogućavanje uživanja opojnih droga	1	1	2
25.	Nasilje u porodici	0	6	6
26.	Narušavanje nepovredivosti doma	2	6	8
27.	Zloupotreba položaja ili ovlasti	1	1	2
28.	Izazivanje opće opasnosti	0	1	1
29.	Uništenje ili oštećenje važnih privrednih objekata ili javnih naprava	0	1	1
30.	Ugrožavanje javnog prometa	0	1	1
31.	Lažno prijavljivanje	0	2	2
32.	Sprečavanje službene osobe u vršenju službene radnje	0	1	1
33.	Krivotvorenje isprave	0	5	5
34.	Nesavjesno liječenje	0	1	1
	UKUPNO	48	108	156

Nakon provedenih i okončanih postupaka u ovoj oblasti donesene su odluke kako slijedi:

Red. Br.	Odluka	« K »	« Kps »	Ukupno
1.	Osudjujuća	88	0	88
2.	Oslobadjajuća	8	2	10
6.	Odbijajuća	2	0	2
9.	Obavezna mjera liječenja	2	0	2
10.	Pripojen drugom spisu	1	0	1
11.	Iz „Kps“ prešlo u „K“	0	21	21
12.	Postupak u toku	18	13	31
13.	Sudska opomena	1	0	1
14.	Iz „K“ prešlo u „Kps“	1	0	1
	UKUPNO :	121	36	157

Kaznena politika je bila adekvatna i srazmjerna težini učinjenih krivičnih djela i stepenu krivične odgovornosti izvršilaca.

Sudije koje rade na krivičnim predmetima prisustvovala su odredjenom broju obaveznih edukativnih seminara po Programu koji je obavezan za sve sudije (ispunjen minimum (4) dana) , a koji provodi Javna ustanova Centar za

edukaciju sudija i tužilaca, pa se s pravom mogu očekivati još bolji rezultati u radu .

- III -

GRADJANSKO-PRAVNA OBLAST

Pregled stanja predmeta iz građansko-pravne oblasti je slijedeći :

Red br.	Vrsta predmeta	Preneseno iz 2008	Primljeno u 2009	Ukupno u radu u 2009	Rješeno u 2009	Nerješeno sa 31.12.2009
1.	Parnični (P)	134	306	440	225	215
2.	Malični (Mal)	242	1592	1834	1416	418
3	Privredni malični (Mals)	21	66	87	54	33
4	Ostavinski (O)	86	519	605	497	108
5	Vanparnični (V)	65	432	497	446	51
6	Izvršni (I)	1647	1703	3350	2516	834
7	Izvršni privredni (Ip)	41	65	106	51	55
10.	Privredni spor (Ps)	19	39	58	40	18
UKUPNO :		2255	4722	6977	5245 75 %	1732 25 %

U građansko-pravnoj oblasti iz 2008. godine preneseno je 2255 predmeta, zaprimljeno u 2009. godini 4722 predmeta , tako da je ukupno u radu bilo 6977 predmeta, od čega je završeno i riješeno 5245 predmeta ili u procentima 75 %, a ostalo nerješених 1732 predmeta ili u procentima 25 % .

Najveći priliv predmeta, kao i ranije u ovoj oblasti bio je u predmetima male vrijednosti «Mal» i ostavinskim predmetima «O».

Po strukturi predmeta male vrijednosti («Mal») može se konstatovati da se radi o predmetima u kojima se kao tužioci pojavljuju kao i ranijih godina JKP « 6. MART » iz Goražda radi naplate usluga individualne komunalne potrošnje, te «Goraždestan » doo iz Goražda radi naplate stanarine i korištenja zajedničkih prostorija, RTF BiH radi naplate RTV takse.

U izvršnom referatu „I“ se najčešće pojavljuje kao tražilac izvršenja JKP «6.MART » iz Goražda radi prinudne naplate komunalnih usluga , te TELECOM BiH , radi prinudne naplate svojih usluga, «Goraždestan » doo iz Goražda radi prinudne naplate stanarine i korištenja zajedničkih prostorija.

Struktura primljenih predmeta u parničnom «P» referatu kao osnovnom referatu izgleda kako slijedi :

Red.br.	PRAVNI OSNOV	Broj predmeta
1.	Radni spor	152
2.	Izdržavanje	7
3.	Izdržavanje - ostali	3
4.	Svojina/posjed nepokretnosti	15
5.	Naknada štete	17
6.	Naknada štete- ostali	32
7.	Utvrđenje i uknjižba	18
8.	Poništenje ugovora	11
9.	Poništenje	25
10.	Razvod	45
11.	Svojina/posjed	4
12.	Ostali sporovi prema ZOO	9
13.	Ostali	7
14.	Stambeni iseljenje	2
15.	Stambeni ostali	2
16.	Kupoprodaja	2
17.	Smetanje prava služnosti	2
18.	Utvrdjivanje vanbračne zajednice	3
19.	Podjela bračne tekovine	4
20.	Prijedlog za određivanje mjere osiguranja	2
21.	Utvrdjivanje nasljeđa	3
22.	Utvrdjivanjeočinstva	2
23.	Raskid ugovora o doživotnom izdržavanju	1
24.	Naknada nematerijalne štete	1
25.	Određivanje staranja o djetetu	1
26.	Brak- utvrđivanje postojanja	1
27.	Isplata zakupnine	1
28.	Sporovi iz zakunih odnosa	1
29.	Kleveta	2
30.	Utvrdjivanje nepostojanja ugovora	1
31.	Računski spor	1
32.	Isplata potraživanja	16
33.	Isplata duga	23
34.	Komunalne i slične usluge	5
35.	Smetanje posjeda	2
36.	Smetanje u stambenim stvarima	1

37.	Izvršenje radi naplate duga	13
38.	Novčana potraživanja	3
UKUPNO :		440

Sudije koje rade na predmetima iz ove oblasti takodje su prisustvovala određenom broju obaveznih edukativnih seminara (ispunjen minimum (4) dana), a po Programu JU Centar za edukaciju sudija i tužilaca , a koja činjenica će sigurno uticati na poboljšanje kvantiteta i kvaliteta rada.

Struktura vanparničnih predmeta (« V ») koji su bili u radu u 2009. godini je slijedeća :

Red. Br.	PRAVNI OSNOV	Broj predmeta
1.	Obezbjeđenje dokaza	11
2.	Protest mjenice	65
3.	Dioba stvari i nekretnina u zajedničkom vlasništvu	5
4.	Uređenje međa	3
5.	Pravna pomoć	8
6.	Ovjera ugovora o doživotnom izdržavanju	3
7.	Oduzimanje poslovne sposobnosti	9
8.	Dokazivanje smrti	18
9.	Eksproprijacija	7
10.	Sastavljanje testamenta	24
11.	Sastavljanje i ovjeravanje sadržine isprave	293
U K U P N O		446

- IV -

PRIVREDNO ODJELJENJE

Predmeti stečaja , likvidacije i registracije privrednih subjekata (« St » , « L » i « Reg »)

U Općinskom sudu u Goraždu ustanovljeno je i funkcioniše Privredno odjeljenje (Zakon o sudovima u Federaciji Bosne i Hercegovine «Službene novine Federacije BiH » broj: 38/05.).

Članom 27. Zakona o sudovima u Federaciji Bosne i Hercegovine Općinski sudovi koji imaju Privredna odjeljenja , u prvom stepenu između ostalih nadležnosti propisanih zakonom postupaju u postupku stečaja i likvidacije , kao i u svim sporovima koji nastanu u toku i povodom provođenja postupka stečaja i likvidacije , te vrše poslove upisa u registar pravnih lica.

U privrednom odjeljenju pored dvoje sudija na poslovima registracije privrednih subjekata, kao i predmetima stečaja i likvidacije rade tri namještenika, a na predmetima stečaja i likvidacije pored sudija radi i šef sudske pisarnice koji vodi odgovarajuće upisnike i druge knjige, te dva namještenika, a što je sve planirano i određeno godišnjim rasporedom poslova.

Iz 2008. godine u 2009. godinu prenesena su 3 predmeta stečaja (« St »), zaprimljen je 1 predmet , tako da je ukupno u radu bilo 4 predmeta , od čega je završen 1 predmet, a 3 predmeta su ostala nezavršena.

Što se tiče predmeta likvidacije («L») iz 2008. godine u 2009. godinu prenešeno je 9 predmeta , zaprimljeno je 8 predmeta , tako da je u radu bilo 17 predmeta, od čega je završeno 13 predmeta, a ostalo nezavršenih 4 predmeta.

Iz 2008. godine u 2009. godinu prenešeno je 15 predmeta upisa u registar pravnih lica («Reg»), zaprimljeno u 2009. godini 79 predmeta , tako da je u radu bilo 94 predmeta, od čega je završeno 71 predmet, a ostalo je nezavršenih 23 predmeta.

Dvoje sudija, šef sudske pisarnice i jedan namještenik , koji rade u Privrednom odjeljenju takodje su prisustvovali određenom broju edukativnih seminara vezanih za postupanje u ovim predmetima.

- V -

PREKRŠAJNO ODJELJENJE

U Općinskom sudu u Goraždu ustanovljeno je i funkcionise Prekršajno odjeljenje (Zakon o izmjenama i dopunama Zakona o sudovima u Federaciji Bosne i Hercegovine «Službene novine Federacije BiH» broj:22/06.), koje je počelo sa radom 01.12.2006. godine, a u koje odjeljenje je Visoko sudsko i tužilačko vijeće Bosne i Hercegovine imenovalo dvoje sudija.

U ovom odjeljenju pored dvoje sudija rade i 3 (tri) namještenika (referent za izvršenje prekršajnih sankcija , upisničar i daktilograf).

Odjeljenje koristi 5 adekvatno uređenih i sa tehničkom opremom opremljenih prostorija.

U okviru sveobuhvatne reforme pravosuđa u BiH-a usvojena su i nova radikalna zakonodavna rješenja koja prije svega sadrže nove procedure za rješavanje predmeta iz prekršajnog područja uz **mutatis mutandis** primjenu Zakona o krivičnom postupku Federacije Bosne i Hercegovine. Nova zakonodavna rješenja usvojio je i ovaj sud, odnosno njegovo prekršajno odjeljenje čime je dalo svoj doprinos ovoj reformi.

U izvještajnom periodu ovo odjeljenje je u rješavanju predmeta primjenjivalo odredbe Zakona o prekršajima Federacije BiH procesnog karaktera, a koja su donijela nova rješenja u odnosu na ranije prekršajno zakonodavstvo.

U Zakonu o prekršajima Federacije BiH uveden je po prvi put institut prekršajnog naloga. Uvođenjem navedenog naloga evidentiran je manji priliv predmeta u ovom sudu u periodu prvih šest mjeseci 2009. godine.

Razlog toj činjenici je bio u tome što okrivljeni nisu u dovoljnom broju zahtjevali sudsko odlučivanje, tako da je veliki broj prekršajnih predmeta riješen na osnovu same činjenice izdavanja prekršajnog naloga.

Međutim, u periodu od 07.-12. mjeseca 2009. godine evidentiran je veći broj priliva sudskih predmeta po osnovu izdatih prekršajnih naloga i okrivljeni zahtjevaju sudsko odlučivanje u većem broju nego u prvih šest mjeseci 2009. godine.

Realno i objektivno je očekivati da će se i u 2010. godini povećati priliv prekršajnih predmeta u ovom odjeljenju, a po osnovu zahtjeva za sudsko odlučivanje po izdatim prekršajnim nalogima.

U ovom odjeljenju se postigla efikasnost i ažurnost u obavljanju poslova na predmetima koji su bili u radu. Osim obavljanja svojih redovnih poslova učestvovalo se na edukacijama, a putem donošenja sudskih odluka i zauzimanja stavova.

Sudije ovog odjeljenja dale su značajan doprinos u pogledu praktične primjene novog Zakona o prekršajima u Federaciji BiH.

Iz 2008. godine prenešeno je („Pr“) prekršajnih predmeta 148, zaprimljeno u 2009. godini 424 predmeta, tako da je ukupno u radu bilo 572 predmeta, od čega je završeno 427 predmeta ili 74,60 %, a ostalo nezavršenih 145 predmeta ili 25,40 %.

Na žalbenom postupku kod drugostepenog suda bilo je 22 predmeta , od čega je potvrđeno 19 odluka, ukinute 3 odluke.

Dvoje sudija koji rade u ovom odjeljenju takođe su prisustvovali određenom broju edukativnih seminara po Programu koji je obavezan za sve sudije (ispunjen minimum (4) dana), a koji provodi JU Centar za edukaciju sudija i tužilaca.

- VI -

ZEMLJIŠNO-KNJIŽNI URED (« Zk-a»)

I. Organizacija ureda

Poslove u zemljišnoknjižnom uredu Općinskog suda u Goraždu je obavljao redovan broj uposlenih odnosno šef zemljišnoknjižnog ureda (i to od 10.06.2009 godine do kada je korišteno porodijsko odsustvo), zemljišnoknjižni referent i dva namještenika.

Krajem 2009 godine, dana 03.12.2009 godine, šef zemljišnoknjižnog ureda i zemljišnoknjižni referent su pristupili polaganju ispita za zemljišnoknjižnog referenta te isti uspješno položili.

II. Analiza stanja zemljišnoknjižnih predmeta

U skladu sa odredbama Zakona o zemljišnim knjigama Federacije Bosne i Hercegovine¹ Predsjednik Općinskog suda u Goraždu donio je Odluku o početku uspostave i elektronskom vođenju zemljišnih knjiga sa danom 01.07.2009 godine i to za područje Općine Goražde i Općine Foča-Ustikolina a na kojem području u nadležnosti ovog suda nisu uspostavljene zemljišne knjige. Istom Odlukom određeno je zatvaranje dnevnika DN za polaganje isprava sa danom 30.06.2009 godine.

Uspostavljanje se vrši prioritetno na osnovu zahtjeva zainteresovane osobe a u smislu čl.66. Zakona o zemljišnim knjigama Federacije BiH, dok je uspostavljanje zemljišne knjige po službenoj dužnosti u zavisnosti od usvajanja izmjena i dopuna Zakona o zemljišnim knjigama Federacije BiH odnosno člana 67. istog Zakona.

Naime članom 67. Zakona je regulisano da zemljišnoknjižni ured najavljuje javnim objavljivanjem da predstoji uspostavljanje (izrađivanje) zemljišnoknjižnog uložka i to oglašavanjem na oglasnoj tabli suda i objavljivanjem u "Službenom Glasniku Bosne i Hercegovine", "Službenim novinama Federacije Bosne i Hercegovine" i u najmanje dva dnevna lista koja se distribuiraju u Bosni i Hercegovini, te kako navedene objave zahtjevaju uplatu troškova iz navedenog razloga nije moguće vršiti uspostavu po službenoj dužnosti.

U drugom BH entitetu navedene izmjene su usvojene u 2005 godini.

Krajem 2009 godine usvojen je i novi Zakon o prostornom uređenju i građenju Bosansko-podrinjskog kantona Goražde, a u kojem podržan i prijedlog ovog ureda u smislu upisa objekata u zemljišnu knjigu. Naime, prilikom uspostave zemljišnoknjižnih uložaka te u saradnji sa nadležnim općinskim službama za katastar utvrđeno je da veliki procenat objekata koji su evidentirani u nadležnoj katastarskoj evidenciji na osnovu građevinskih dozvola, ne posjeduju upotrebne dozvole.

Članom 59. Zakona o građenju Bosansko-podrinjskog kantona Goražde definisano da "građevina za koju nije izdata upotrebna dozvola ne može se upisati u zemljišnu knjigu". Sa navedenog podniet je zajednički prijedlog ovog ureda i nadležne općinske službe za katastar Općine Goražde radi prilagođavanja zakonske odredbe za stanjem na terenu a koji prijedlog je i usvojen. Prema navedenom svi objekti evidentirani u nadležnoj katastarskoj evidenciji na osnovu građevinske dozvole, odnosno do stupanja na snagu katastarskog operata novog premjera u pojedinoj općini, evidentirati će se i u zemljišnu knjigu a na onovu potvrde nadležnog organa.

Očekuje se objava navedenog Zakona u Službenim novinama Bosansko-podrinjskog kantona Goražde i njegovo stupanje na snagu.

Ukupan broj zaprimljenih DN i Nar/Rz (ukupan broj za elektronski vođene predmete, te ručno vođenu Knjigu položenih Ugovora) predmeta je slijedeći :

Prenešeno iz 2008 godine	Primljeni u 2009 godini	Ukupno u radu u 2009 godini	Riješeno u 2009 godini	Neriješeno predmeta na dan 31.12.2009 godine
7	961	968	954	14

Pregled stanja predmeta:

Red. br	Vrsta predmeta	Prenešeno iz 2008	Primljeno u 2009	Ukupno u radu	Riješeno u 2009 godini	Neriješeno predmeta na dan 31.12.2009 godine
1	DN elektronski vođena zemljišna knjiga	2	177	179	165	14
2	KPU	5	141	146	146	-
3	NAR/RZ elektronski	-	480	480	480	-
4	NAR/RZ ručno	-	163	163	163	-
ukupno		7	961	968	954	14

Struktura primljenih predmeta:

Zahtjevi za upis	291
Zahtjevi za uspostavljanje zk uložaka	34
Zahtjevi za zk izvadke	337
Ostalo (uvjerenja, potvrde i sl.)	306
Ukupno predmeta u radu:	968

U toku izvještajnog perioda u tri predmeta je uložen redovan pravni lijek - žalba koji su odbijeni od strane drugostepenog organa i time potvrđena rješenja ovog ureda.

Od početka primjene Odluke o početku uspostave i elektronskom vođenja zemljišnih knjiga i to sa danom 01.07.2009 pa do kraja izvještajnog perioda zaprimljeno je ukupno 34 zahtjeva za uspostavljanje zemljišnoknjižnih uložaka od čega je pozitivno riješeno 21 a neriješeno 13.

Prepreku bržem rješavanju predmeta predstavlja zakonom utvrđen rok trajanja objave uspostavljanja (60 dana od posljednje objave) a navedeno su predmeti zaprimljeni krajem 2009 godine.

Od zahtjeva koji se odnose na redovan upis u zemljišnu knjigu, samo jedan predmet , koji je zaprimljen u decembru 2009 godine, nije riješen sa 31.12.2009 godine i to zbog davanja roka za otklanjanje nedostataka od 30 dana, a u skladu sa članom 40.Zakona o zemljišnim knjigama.

Do kraja izvještajnog perioda uspostavljeno je ukupno 28 novih zemljišnoknjižnih uložaka i to:

OPĆINA GORAŽDE				
Katastarska općina	Goražde I	Goražde II	Podkozara	Vranići
Broj zemljišnoknjižnih uložaka	14	9	1	1
OPĆINA FOČA-USTIKOLINA				
Katastarska općina	Kolakovići	Ustikolina	Jabuka	
Broj zemljišnoknjižnih uložaka	1	1	1	

Najčešći razlozi za pokretanje postupka uspostavljanja zemljišnoknjižnog uložka su upisi založnog prava na nekretninama odnosno osiguranje založnog povjerioca upisom hipoteke i zabilježbi koje su vezane za hipoteku a kao podnosioci se najviše pojavljuju pravna lica.

Sa navedenog je evidentna potrebna za hitnom izmjenom čl.67 Zakona o zemljišnim knjigama kako bi se pristupilo postupku sistematskog uspostavljanja zemljišnih knjiga od strane ovog ureda a koji postupak bi se provodio uporedo sa rješavanjem pojedinačnih zahtjeva.

U dosadašnjem radu je evidentiran i problem upisa etažnog vlasništva u zemljišnu knjigu odnosno primjene člana 30. Zakona o zemljišnim knjigama jer isti nije usklađen sa čl. 22. Zakona o vlasničko-pravnim odnosima Federacije BiH.

Pitanje etažnog vlasništva bi treba da reguliše Zakon o stvarnim pravima koji još nije usvojen na području Federacije BiH i da omogući primjenu navedenog člana Zakona o zemljišnim knjigama.

Navedeno se posebno ističe kao problem zbog nemogućnosti upisa etažnog vlasništva u Knjigu položenih Ugovora shodno Uredbi o obrazovanju i vođenju Knjige Položenih Ugovora² na stanu/poslovnom prostoru koji nisu predmet otkupa.

Također elektronska verzija zemljišne knjige – LARIS nije prilagođena članu 30. Zakona o zemljišnim knjigama je ne postoji mogućnost elektronskog zatvaranja zemljišnoknjižnog uložka zemljišta nakon otvaranja zemljišnoknjižnih uložaka stanova a kako je predviđeno pomenutom odredbom.

III. Planirane aktivnosti u 2010 godini

Ured će nastaviti sa redovnim poslovima u okviru zakonom utvrđene nadležnosti poštujući odredbe Pravilnika o unutrašnjem sudskom poslovanju .

IV. Potrebe ureda

I dalje prisutan problem sa dodatnim prostorijama, u prvom redu prostorijom za prijemnu kancelariju i prostorijom za odlaganje zemljišne knjige a koja se shodno odredbi čl.6. Pravilnika o postupanju u zemljišnoknjižnim stvarima čuva odvojeno od zbirke isprava. Neophodno je za potrebe ureda izvršiti i nabavku jednog kopir aparata.

V. Ostalo

Uposlenici su tokom godine prisustvovali na slijedećim seminarima/radionicama :

Red.b r.	Tema	Datum i mjesto održavanja	Prisustvo zk asistenata	Prisustvo zk referenta	Prisustvo šefa zk.ureda
1.	Zakon o zemljišnim knjigama FBiH –Postupak uspostave	02.februar 2009 Sarajevo		x	
2.	Analiza potrebe za obukom državnog službenika	27.02.2009 Goražde		x	
3.	Realizacija prve faze razvoja IT/IM strategije zemljiše administracije za FBiH	03.mart 2009 Sarajevo		x	
4.	Efektivni sastanci- ADS	31.08.2009 Goražde		x	
5.	4.Međunarodni kongres o zemljišnoj administraciji u BiH	01.02.oktobar 2009 Neum		x	
6.	Preuzimanje podataka aktuelnog premjera u zemljišnu knjigu – pojedinačni pristup	7.oktobar 2009 Sarajevo	x	x	
7.	Zakon o zemljišnim knjigama FBiH-postupak uspostave	9.septembar 2009 Sarajevo	x		
8.	Hipoteka i sticanje prava vlasništva stranih osoba	23. novembar 2009 Sarajevo			x
9.	Vještine vođenja intervjua	17.12.2009 Goražde		x	

- VII -

SARADNJA SA DRUGIM DRŽAVNIM ORGANIMA, PRAVNIM LICIMA , USTANOVAMA I MEDJUNARODNIM INSTITUCIJAMA

U izvršavanju svojih osnovnih funkcija i nadležnosti propisanih Zakonom o sudovima u Federaciji Bosne i Hercegovine (« Službene novine Federacije Bosne i Hercegovine » broj 38/05.), sud je imao odgovarajuću i u osnovi korektnu saradnju sa Visokim sudskim i tužilačkim vijećem Bosne i Hercegovine , Sekretarijatom Visokog sudskog i tužilačkog vijeća Bosne i Hercegovine , Federalnim ministarstvom pravde, Ombudsmenima Federacije Bosne i Hercegovine , Ombudsmenima Bosne i Hercegovine Kantonalnim sudom u Goraždu, Ministarstvom za pravosudje BPK-a Goražde , Kantonalnim tužilaštvom i Kantonalnim pravobranilaštvom u Goraždu , Komesarom policije i Ministarstvom unutrašnjih poslova u Goraždu, Odjeljenjem sudske policije u Goraždu, Kazneno-popravnim zavodom zatvorenog tipa u Zenici, te Kazneno-popravnim zavodom poluotvorenog tipa Sarajevo- Odjeljenje u Ustikolini te Načelnicima i Općinskim službama (Općina Goražde, Ustikolina i Prača),te medjunarodnim institucijama GTZ ,Sida ,OSCE,USAID, a koja saradnja se odvijala u okviru zakonom propisanih nadležnosti.

Sigurnost i bezbjednost uposlenih u pravosudnim organima sigurno je kao i što je ranije isticano povećana formiranjem Sudske policije i početkom rada u septembru 2002. godine, kao i efikasnijem provođenju pojedinih procesnih radnji, a naročito u krivičnom kao i drugim postupcima u skladu s odredbama Zakona o sudskoj policiji i Zakona o krivičnom postupku F BiH što sigurno utiče na efikasnost rada suda, te sigurnost uposlenih u pravosudnim organima., kao i zaštitu imovine kojom raspolažu pravosudni organi .

- VIII -

POSLOVI SUDSKE UPRAVE

Poslovi kojima se obezbjeđuju uslovi za pravilan rad i poslovanje suda obavljaju se u okviru sudske uprave .

Poslove sudske uprave u okviru ovlaštenja propisanih odredbama člana 31. Zakona o sudovima u Federaciji Bosne i Hercegovine ,te Pravilnikom o unutrašnjoj organizaciji ovoga suda vrši Predsjednik sud, a koji poslovi obuhvataju obezbjeđenje uslova za pravilan rad i poslovanje suda i to : organizovanje unutrašnjeg poslovanja u sudu , staranje da se poslovi u sudu vrše uredno i na vrijeme , stručne poslove u vezi sa ostvarivanjem prava i dužnosti zaposlenika u sudu , organizovanje i praćenje stručnog obrazovanja sudija,

poslovi izvršenja krivičnih sankcija , finansijsko-materijalno poslovanje suda , poslovi ovjere isprava namjenjenih za upotrebu u inostranstvu, poslovi u vezi sa pritužbama stranaka na rad suda, predstavlja sud pred drugim organima i organizacijama i druge poslove određene zakonom.

Poseban zadatak uprave suda je izrada periodičnih i godišnjih izvještaja.

U 2009. godini su kontinuirano kao i ranije održavane skoro svakodnevne sjednice sudijskog kolegija na kojima su razmatrana aktuelna pitanja od interesa za rad suda, pitanja ažurnosti rada suda, kao i pitanja koja su značajna za društvene odnose i pojave iz domena sudske prakse .

Predsjednik suda je u okviru svojih zakonskih ovlaštenja propisanih odredbama Zakona o izvršenju krivičnih sankcija u Federaciji BiH uputio na izdržavanje kazne zatvora u Kazneno-popravni zavod poluotvorenog tipa Sarajevo – Odjeljenje u Ustikolini i Kazneno-popravni zavod zatvorenog tipa u Zenici 23 osuđenika.

- IX -

SISTEM ZA AUTOMATSKO UPRAVLJANJE PREDMETIMA (CMS)

Općinskom sudu u Goraždu ukazano je povjerenje da bude prvi sud u Bosni i Hercegovini u kojem se uz podršku Visokog sudskog i tužilačkog vijeća Bosne i Hercegovine implementirao CMS sistem.

Zvanično implementacija CMS-a u ovom sudu je počela 02.07.2007. godine. U tu svrhu proveden je niz pripremni aktivnosti:

- Izvršena je provjera IT znanja svih uposlenika,
- Održana je detaljna prezentacija o CMS-u koja uključuje organizacione promjene koje u radne procese donosi CMS i osnovne funkcionalnosti koje ovaj software podržava,
- Uspješno je realizovana obuka o upravljanju CMS predmetima,
- Ovaj sud je obezbijedio blagovremeno potrebnu količinu novih omota za predmete kako bi sam proces prepakivanja svih predmeta koji se nalaze u radu bio završen prije nego što je počela sama implementacija,
- Sudu je distribuiran interaktivni trening materijal koji se nalazi u formi DVD priručnika, a svim uposlenicima omogućen je i pristup testnoj bazi CMS-a kako bi se na najbolji način pripremili za sam proces implementacije koristeći tehniku samoobučavanja uz neograničene mogućnosti vježbanja.

Uvođenje CMS-a podrazumijeva novu organizacionu strukturu u sudu. Suštinska promjena se događa na nivou bivših pisarnica i prijemne kancelarije. Pisarnice po odjeljenjima u potpunosti nestaju, a formira se jedinstveno spremište za predmete u kojem se čuvaju svi sudski predmeti složeni po rastućem broju bez razdvajanja predmeta po vrsti predmeta.

Elektronsko vođenje predmeta je sasvim sigurno unaprijedio upravljanje predmetima, povećalo efikasnost u radu, doprinijelo maksimalnoj iskorištenosti radnog vremena svih uposlenih u ovom sudu, a time još boljim rezultatima u radu ovog suda.

U toku 2009. godine u ovom sudu su uspješno implementirane i nove funkcionalnosti CMS sistema za upravljanje predmetima, a koje se odnose na smanjenje broja radnji kod izdavanja dnevnih naredbi, mogućnost uploada wordovog dokumenta direktno u CMS, štampanje dostavnica sa bar kodom i otprema pošte.

Takođe, u toku 2009. godine Općinski sud u Goraždu je povezan sa Kantonalnim tužilaštvom u smislu povezivanja dokumenata i predmeta ove dvije institucije.

Važno je napomenuti da je u toku 2009. godine za vrijeme rada bilo povremenih tehničkih smetnji u smislu prekida brzog linka, što za posljedicu ima dosta usporen rad CMS-a.

Uspješnoj implementaciji novih funkcionalnosti CMS-a u ovom sudu veliki doprinos su dali članovi CMS tima Visokog sudskog i tužilačkog vijeća Bosne i Hercegovine sa svojim profesionalnim i korektnim odnosom prema uposlenicima ovog suda, a naročito priznanje u tom pravcu zaslužuje i namještenik ovoga suda Kamil Herenda, tehničar za informacionu i komunikacionu tehnologiju, kao i ostali uposlenici ovoga suda.

- XI -

USLOVI RADA

U pogledu uslova rada može se konstatovati da su isti na zadovoljavajućem i zavidnom nivou zahvaljujući prije svega izuzetnom razumjevanju i saradnji sa Ministarstvom za pravosuđe, upravu i radne odnose BPK-a Goražde i Vladi Bosansko-podrinjskog kantona Goražde.

Ovakvi uslovi su preduslov za još bolji i kvalitetniji rad , te se sa punim pravom u budućnosti mogu očekivati još bolji rezultati u radu.

Goražde, januar 2010.godine

PREDSJEDNIK SUDA :

Sead Imamović